

# جَزَائِدُ مَحَاكِمِ

جمعه ایرتسی

نومرو	شوال	سنه	حزيران	سنه	صفحه
۴۰۰	۱۸	۱۳۰۴	۲۷	۱۳۰۳	۴۳۱۹

( اشبو غزته بهر هفته جمعه ایرتسی کونلری چیقار سنه لکی در سعادت ایچون مجیدیه یکر می )  
( غروش حسابیه التمش غروشدر طشره لر ایچون اون بش غروش پوسته اجرئی ضم اولنور بهر )  
( نسخه سی ینه مجیدیه یکر می غروش اولق اوزره یوز پاره به هر یرده صاتیلور درج اولنه جق اعلاناک )  
( هر برندن بر مجیدیه اخذ اولنور سنه لکنه مشتری اولق استیانلر عدلیه نظارتی دائر سنده کاتن )  
( جریده محاکم اداره سنه مراجعت ایلملیدر )

دائر اخبارات موجود اولوب محکمه مذکور دنک  
مدعی عمومی معاونلکی وکالتنده بولنه ان بوز  
باشی یوسف افندینک دخی اسقاط جنین  
دعواسیله موقوف اولان بر شخص حقنلرکی  
اوراقی محو و اتلاف ایلدیکی و حیوان سرفتی  
فعلیه مظنون علیه اولان دیگر بر شخصی دخی  
خود بخود تخلیه ایلدیکی بالتحقیق اکلاشلدیغی  
در سعادت استیناف محکمه سی مدعی عمومی لکنندن  
اشعار اولنمی اوزرینه مومی الیه مانک اصولی  
وجهله تحت محاکمه به النملری جواباً امر و ازبار  
بیورلشدر

## قسمت سومی

توجیهات

هیئت اتهامیه ریاستی وظیفه سی محکمه استیناف  
اعضاسندن سعادتلو امرالله افندی حضرتلرینه  
تودیع بیورلشدر

قندره بدایت محکمه سی مستنطقی حلی افندینک  
بر ماده دن طولایی ارتشاسی وقوعه کلدیکنسه

حکما استحصا اولسان جزای تقدیرک حکمی  
ویرن محکمه به عادی قواعده عمومیه اقتضاسندن  
ایسه ده توتون چقاچیلغی و مواد سائرده دن طولایی  
النه جق جزای تقدیرک قمم اعظمینک مخبرلره  
ویرلسی رژی اداره سنک تعلیمات مخصوصه  
و موضوعه سی ایجابندن بولنسی جهته بعدما  
رژی نظامنامه سی حکمته توفیقاً محاکمه تحت  
حکمه النه جق بو مثللو جزای تقدیرک بوزده  
یکرمی بش غروشنک حکمی ویرن محکمه جه اخذ  
واستیفای و قصورینک دخی اداره به ترک و اعطاسی  
شورای دولت قراری اقتضاسندن بولندیغی  
با بیورلدی ساهی امر و اشعار بیورلمش و ایجاب  
ایدنلره تبلیغ اولنقی اوزره اشبو تحریراتک نسخ  
مطبوعه کافیه سی لفا ارسال و اسرار قلنمش  
اولغله اولوجهله ایفای مقتضاسی خصوصه  
همت اولنسی سیاقنده شقه ترقیم قلندی

فی ۷ شوال سنه ۳۰۴  
وفی ۱۶ حزیران سنه ۳۰۳

جبل لبنان متصرفلغینک پول نظامنامه سندن  
استناسنه دائر مالیه نظارت جلیله سندن مبعوث  
تذکره ایله ایکی قطعه امر نامه ساهی صورت  
مخبر جهری لفا ارسال قلنمش اولغین مذکور تذکره  
وامر نامه ساهی مندرجاتنه توفیقاً ایفای معامله

اولنسی خصوصتک ایجاب ایدنلره تبلیغی ضمنده  
اشبو تحریراتک نسخ مطبوعه کافیه سی علی الاصول  
لفا ارسال قلندیغی بیانیله شقه ترقیم قلندی

فی ۶ شوال سنه ۳۰۴  
وفی ۱۵ حزیران سنه ۳۰۳

اوجیوز اویچ سنه مالیه سندن اعتباراً بطشره  
مقاولات محرر لکری حاصلاتک مال قلنلرجه ایراد  
قیدندن وجدولره ادخالندن صرف نظایله بوندن  
مقاولات محرر لکری نه عائد اولان مقدارک باسند  
اعطاسیله قصورینک دخی نهایت ایتسی ایک  
اویچنه قدر نقداً ویا پولیچه صورتیله پوسته به  
تسلیماً و سنداتکده عیناً عدلیه وزنه سنه ارسالی  
اصول متخذه ایجابندن و اشبو معاملتک دوائر  
عدلیه ننگ امور اداره سنه نظارت طبیعه لری  
روسای محاکم ایله مدعی عمومی و معارنلرک تحت  
نظارتده جریان ایتسی امور طبیعه دن ولوب فقط  
حاصلاتک بو صورتله اعطا و ارسال ولنه جنجی  
زمانه قدر محرر لر نزدنده قلمسی ضرورن اولدیغی  
ذاتاً کفالته مربوط اولان مقاولات محرر لریک  
بعدما حاصلاتک موقتاً قبض و حفظندن طولایی  
دخی تجدید کفالتلری ایجاب حالندن کورلمکله  
همان ایجابی اجرا اولنقی و حاصلات مذکورهنک

محاکم استعمال ایلدیکی مخصوص قوچان ایله  
اخذ و حفظ و هر آی نهایتنده دفتر مخصوص لریله  
بعد التطبيق صحتی تین ایتدیر بلرک ملفوف نمونه  
وجهله تنظیمی لازم کلان بر خلاصه پوصله سیله  
سالف الذکر فضله حاصلات و سنداتک معاً  
قضا لره رؤسا ولوالرده مدعی عمومی معاونلری  
و مرکزده دخی مأموریت بهیسه لری معرفت لریله  
ارسال قلنقی اوزره لازم کلانلره تعمیم و صایا  
اولنسی ضمنده اشبو تحریراتک نسخ مطبوعه  
کافیه و مصدقه سی لفا کوندر لیدیکی بیانیله شقه  
ترقیم قلندی

فی ۱۱ شوال سنه ۳۰۴  
وفی ۲۰ حزیران سنه ۳۰۳

( فی ۲۵ جازدی اولی سنه ۹۳ وفی ۵ )  
( حزیران سنه ۹۲ تاریخی و طقوز )  
( نومرولو مقام جلیل جناب و کالتیناهیدن )  
( شرفورود امر نامه سامینک صورت )  
( منیفه سیدر )

اوراق صحیحه و قونطوراتو نظامنامه لری احکامنک  
تأسیس و انفاذنده جبل لبنانجه تصادف اولنسان  
مشکلاتک بیان درجاتیله اولبابده بعض افاداتی

حاوی مقدم و مؤخر وارد اولان محررات بهیسه لری  
انجمن مخصوص و کلاده لدی المطالعه و اقعاجیلک  
تکالیفی مقطوع اولقی حسبیله مذکور نظامنامه لری  
احکامنک داخل جیلده اجراسی موافق مصلحت  
کور نمدیکنندن بوندن صرف نظر اولنسی تنسیب  
و کیفیت مالیه نظارت و رسومات امانت جلیله لری نه  
دخی تبلیغ اولنمش اولغله ایجاب حالات اجراسنه  
همت بیورلسی سیاقنده

( فی ۱۹ جازدی الاخره سنه ۹۳ وفی ۲ )  
( حزیران سنه ۹۲ تاریخی و اون بش )  
( نومرولو مقام جلیل جناب و کالتیناهیدن )  
( شرفورود امر نامه سامینک صورت )  
( منیفه سیدر )

اوراق صحیحه و قونطوراتو نظامنامه لری  
احکامنک تأسیس و انفاذنده جبل لبنانجه تصادف  
اولنسان مشکلاتی متضمن پکننده وارد اولان  
محررات بهیسه لری اوزرینه اساساً جیلک تکالیفی  
مقطوع اولقی حسبیله مذکور نظامنامه لری  
احکامنک فی الحقیقه داخل جیلده اجراسی موافق  
مصلحت کور نمدیکنندن بوندن صرف نظر اولنسی  
مجلس مخصوص و کلا قراریه طرف و الارینه  
و اقتضای ایدن دوائر اشعار و تبلیغ ایلنمش ایدی  
رسومات امانت جلیله سندن بوکره وارد اولان  
تذکره جوابده بو قرار اوزرینه شمیدی به قدر

جبل ایچون کوندربیلان اوراق صحیحہ محاسباتک رؤیت و تسویہ سبیلہ موجود اولانلرک عیناً و صرف ایدلمش بولسانلرک دخی بدلاً بیروت رسومات نظارتہ دور و تسلیم قلمسی امور طبیعیہ دن اولوب انجق اشبو استننا درون جبلہ منحصر طویلہرق دائرہ جبل خارچندہ بولنان محلردہ جبلہ تابع اولنلر طرفندن دخی اوراق صحیحہ نظامنامہ سی حکمنہ تبعیت اولنمسی اقتضا ایدہ چکنندن بورلردہ آنلر طرفندن موقع رسمہ تمغاسز و سائرہ ابراز اولنیدیغی حالده نظامی و جهله معامله اولنہ جغنه مبنی ایشک بو جهتی شمیدین بیلنہرک اکاکورہ حرکت اولنمسی لزومک اخطاری اولنمغله واقعا جبلہ حصر ایدیلان معاملات استثنائیک محافظه سیلہ اہالیدن جبل خارچندہ بولنانلرک بو استننادن حصہ دار ایدلمسی کی سوء استعمالہ میدان ویرلماسی لازم الاعتبا بولنمغله بو قرار دائرہ سندنہ اقتضای حالک ایفاسنہ ہمت بیورلمسی سیاقندہ

( مالیه نظارت جلیلہ سندن فی ۱ نیدسان سنہ )  
( ۳۰۳ تاریخی وارد اولان تذکرہ صورتیدر )

جبل لبنان متصرفلغنسک پول نظامنامہ سندن استثناسنہ دائرہ جزینہ جہ ارادہ قیدی واورادہ پول مأموری اولوب اولدیغی و محمل مذکوردن رسم تمغہ قانونہ تابع و پولسز کلہ جک اوراق

حقندہ نوجہله معامله اجراسی لازم کلہ جکی نظارت جلیلہ لری محاسبہ جیلکنندن با تذکرہ استفسار اولنمش و مذکور متصرفلغک استثناسنہ دائرہ قانون مزبورده صراحت و جبل مذکور نظامنامہ سندنہ اوراق صحیحہ و پول حقندہ ایضاحات کوریلہ مامش اولسبیلہ اولبا بدہ سبق ایدہ استعلامہ جواباً دیون عمومیہ عثمانیہ واردات مخصوصہ سی ادارہ سندن النان تذکرہ و قیود خزینہ دن بختلہ مذکورہ مذکورہ مندرجاتہ نظراً جبل مزبورده تنظیم ایدلمکدہ اولان سندتہ تمغہ قانونی احکامنہ توفیقاً پول وضعی مجبوری اولوب اولدیغنسک و پولسز اولہرق ورود ایدن سندتہ ان جزای نقدی استحصالی لازم کلوب کلیہ چکنک استیداننی متضمن مقام عاجزیدن عرض و تقدیم اولنان تذکرہ هامشنہ محرر فی ۱۹ مارت سنہ ۳۰۳ تاریخی جواب ساعی جناب وکالتینا ہیڈہ استعلام واقعه جواباً جبل لبنان متصرفلغندن وارد ولوب لفاً ارسال بیوریلان تحریرات مطالعہ سندن مستبان اولہ جغی و جهله اوراق صحیحہ و قونطوراتو نظامنامہ لریک موقع اجرایہ وضعندہ جبل لبنانجہ برطاقم مشکلاتہ تصادف اولنمسی اوزریہ اولوقت جانب متصرفیدن وقوعه بولان اشعار و مجلس مخصوص وکلادہ ویرلمش اولان قرار موجبجہ منام معلائی جناب صدارتینا ہیڈن اسطار و تسیمار ولنان فی ۲۵ حامایس سنہ ۲۹۳ تاریخی تحریراتہ کرسرلیدیکی اوزرہ جبل مذکور تمغہ و قونطوراتو نظامنامہ لرندن

# قسم غیر رسمی


( حکمہ تمیز حقوق دائرہ سی )

اینہ روز مناسرتلری نظامنامہ سی احکامنہ توفیقاً مناسرتلرک امور داخلیلرینہ متعلق دعاوینک تدقیق محاکم نظامیہ نک صلاحیتی خارچندہ در

اینہ روز جزیرہ سندنہ واقع پروفیت ایلیا نام کشیشخانہ نک باش راہبی طوپاس پرومونا قوس دیکویوس افندی مذکور پروفیت ایلیا کشیشخانہ سی داخلندہ واقع اولوب مشرف خراب اولان کلیسانک ہدمیلہ یکیدن انشاسنہ تشبث اولنمش ایسہدہ مذکور کلیسانک اینیہ سائرہ ایلہ تعمیر و انشاسنہ ولوازم انشائیہ نک اورمانلردن تدارکنہ مذکور باندوقراطور مناسرتی و کیلاری طرفندن ممانعت و مذکور کشیشخانہ بہ مخصوص باغلردہ اولان بکچی کلہ لری ہدم اولندیغندن بختلہ مداخلہ واقعه نک منعی و بوبایدہ کی ضرر وزیانک تضمین ایتدیلمسنی سلانیک بدایت محکمہ سندنہ طلب و دعوی ایتسنہ قارشو عندالحاکمہ مذکور باندوقراطور مناسرتی و کیلاری دخی دعوی واقعه نک رؤیتی اینہ روز نظامنامہ سی

فی ۶ شوال سنہ ۳۰۴

وفی ۱۵ حزیران سنہ ۳۰۳




موجباً بدایه اینه روز لوجه سنده رؤیت  
ایدیلرک و یریلان حکم در سعادت متره پولیدان  
جمعیتده استینافاً دست تدقیق اولغله بونک رؤیتی  
محاکم نظامیه نك صلاحیتی خارجنده اولدیغنی و مذکور  
کشیشخاننه نك پاند و قراطور مناسترینه مربوط  
اولوب مدعی مومی ایله ایله دیگر راهبرک  
مستأجر صفتیه اقامت ایتکده بولندقلرینی مدافعه  
پسان و انبایور قطعہ مقالوه نامه ایله اوراق  
سأره ابراز واعطا ایتلری اوزرینه محکمه  
مذکورجه اجرا قلنان محاکات و تدقیقانه وظیفه  
حقنده اولان اعتراضک ردینه و مذکور  
کشیشخاننه مدعی مومی ایله سائر راهبرک  
سالف الذکر پاندو قراطور مناسترینه سنوی بیک  
بشیوز غروش بدل ایجار اعطا ایدهرک اقامت  
ایتکده اولدقلری مذکور مقالوه نامه مندرجاتی  
وتصادق طرفین ایله تبین ایتش ایسه ده مقالوه  
نامه ده مدت اجاره تعیین قلمماش اولدیغندن عقد  
اجاره نك فسادینه بناء مدعی مومی البهک دعواى  
مسروده سنک ردینه حکم و قرار ویراش و اشجو  
حکمی حاوی لاحق اولان اعلامه مومی ایله  
طویاس دیکوس افندی جانبدن عدم قناعتله  
سلانیک محکمه استینافیه سنه بالمراجعه اقامه اولنان  
استیناف دعوا سنک محکمه مذکورجه سبق  
ایدن محاکات و تدقیقاتی نتیجه سنده دعواى  
واقعنه نك عمومه مخصوص تأسیسات قبیلندن  
اولدیغنی حالده اثنای محاکمه مدعی عمومینسک

نشر و اعلانندن اون بش کون صکره دستور العمل  
طوتیه جغنی محرر اولوب مذکور آینه روز  
نظامنامه سنک بعض احکامک آینه روزده جاری  
اولسیه یکیدن وضع ایدیلان وهنوز مرعی الاجرا  
اولیان مواد متعدده سائر سنه نشر اولمش  
نظریه باقیله میه جغنی طبیعی و خصوصیه نظامنامه  
مذکورک نشری فرض اولسنه بیله بونک  
منزاعه واقعیه شمولى اوله میه جغنی بدیهی  
اولدیغنه و مذکور نظامنامه نك مواد معلومه سنده  
خصوص منازع فیهک حل و حسمی محاکم نظامیه نك  
صلاحیتی خارجنده اولدیغنه دائر بر صراحت غیر  
موجود و بو مقوله دعاوینک روم بطریق خانه سی  
نظامنامه سی ایله جریده محاکمک یوز طقسان طقوز  
و ایکوز التنجی نسخله لرنده مندرج محررات علیه  
احکامک محاکم نظامیه ده رؤیت اولند جغنی امثالی  
دلالتیه مشهود اولدیغنی حالده محکمه استینافیه جه  
بورالری پیش نظر تأمله التمسین دعواى واقعنه نك  
رد ایدلسی مخالف بولندیغنه بناء اعلام مذکورک  
نقضی استداسندن و مدعی علیه پاندو قراطور  
مناستری متولیرلی و کیلی یورکیادی افندینک  
نتیجه جوابی دخی دعواى واقعنه نك آینه روز  
نظامنامه سی موجباً محاکم نظامیه جه رؤیت  
وتدقیق وظیفه خارجنده بولندیغنی جهته محکمه  
استینافیه جه خصوص مذکورک نظامنامه مذکور  
احکامه توفیقاً مرجعنده رؤیتنه قرار ویرلسی  
موافق اصول اولدیغنی و اعتراضات واقعنه

ایسه واهی و شایان التفات اولدیغنی بیانیله  
اعتراضات مذکورنه ردی و اعلام مذکورک  
تصدیق طلبندن عبارت بولمش و بو خصوص  
حقنده کی مطالعه سی معاون مومی ایله یورفاکی  
افندیدن استفسار اولندقه دعواى واقعنه مناستر  
ایله اکا مربوط اولان کشیشخاننه اراسنده کلیسا  
و اینده تعمیرى ایله اولبابده مناستر اورمانندن  
کرسته قطعندن یعنی اینه روز نظامنامه سنک احکام  
صریحه سنه توفیقاً مناسترک امور داخلیه سنه متعلق  
معاملاتدن عبارت اولدیغنه و بویه مناسترک ایله  
مربوطاتی بیننده امور داخلیه لرندن متولد  
اختلافاتک حل و تسویه سی مناسترک ناظرلرینه وینلر  
نیجه متشکل لوجه مجلسنه و اوچنجی درجه ده بطریق  
خانیه تاند اولدیغنی دستورده مندرج اولان نظام  
نامه مذکورده مصرح بولندیغنه و محاکمک ذات  
مصلحتجه رؤیتی وظائفندن اولیان دعاوی بی  
ایجاب ایدن محله حواله یه مجبوریت قانونیه لرلی  
درکار بولندیغنه مبنی اعلام مذکور علیه نه کی  
اعتراضاتک موافق قانون اولدیغنی یولنده ایراد  
مطالعنه ایتش و متعاقباً امر محاکمه نك ختام  
بولدیغنی وکیل مومی ایله تفهیم قلمش اولغله  
محکمه تمیز حقوق دائره سی اسباب التیه یه مبنی  
تمیز استداسنی رد ایتشدر  
ایجابی لندی المذاکره تمیز اولنان اعلام استینافینک  
نتیجه مفادی بو مقوله مناسترک امور داخلیه لرینه  
متعلق دعاوینک تدقیق اینه روز مناسترلری

نظامنامه سی احکامه توفیقاً محاکم نظامیه نك  
صلاحی خارجنده بولندیغی بیانیله اعلام  
ابتدایک اشبو وظیفه ماده سندن طولایی فسخنه  
حکم و قرار دن عبارت اولوب اشبو اعلام علیه  
متسعدی تمیز پروفیت ایلیا کشیشخانہ سی باش  
راهی طویاس بیروموناقوس دیکوس افندی  
وکیلی جانندن سرد اولنان اعتراضات ایسه نقض  
حکمی موجب اولدیغنه و حکم استینافی موافق  
اصول وقانون اولدیغی کی معاون مومی الیهک  
مطالعہ سی دخی نفس الامرہ موافق بولندیغنه  
بناءً اعتراضات مسروده نك ردیله اعلام  
استینافی نك تصدیقنه و اعلام خرجی اولان ایکوز  
عروشله صورت و تبلیغ خرجری بولسان قرق  
غروشک یکرمی اوچ غروش مصارف محاکمه ایله  
برابر مستعدی تمیزه عائد اولوق اوزره اول امرده  
مدعی علیهما اطناس دیمتو فلیطوس افتدیلردن  
التمسینه فی ۱۷ شباط سنه ۳۰۱ تاریخنده  
متفقاً قرار ویریلرک وکیل مومی الیه بورکیادی  
افندی به تفهیم قلندی



( محکمه تمیز جزا دائره سی )


هیئت اتهامیه دن بر فعاک جنحه درجه سنده

اولدیغنه دائر ویرلش اولان مضبطه نك حکمی  
قطعی اولیوب محاکمه بی اجرا ایده جک اولان  
محکمه جه فعاک ثبوت ونوع قانونی حقیقده  
اعطای رأی و حکمه مختاریت درکار بولمسنه  
نظراً قابل تمیز دکلدر

اطنه ولایتی هیئت اتهامیه سندن ویریلان فی ۶  
رجب سنه ۹۹ وفی ۱۱ مایس سنه ۹۸  
تاریخی و قرق ایکی نومرولی مضبطه نك تمیزی  
ولایت مشار الیها محکمه استینافی سی مدعی  
عمومیلکنندن مدت قانونیه سی ظرفنده استندا  
اولدیغندن مضبطه مذکورہ و مقرراتی باش  
مدعی عمومیلک مأموریت علیه سندن فی ۲۷  
جاذی الاولی ۳۰۴ وفی ۹ شباط سنه ۳۰۲  
تاریخی ویدی یوز طقسان ایکی نومرولی تبلیغنامه  
ایله محکمه تمیز جزا دائره سنه اعطا قلنش  
ومضبطه مذکورده مرعشلی عمره فل شنیع  
اجراسنه تصدی ایلدیکی اداسندن طولایی مظنون  
علیه اولان جبل برکت سنجاغی تحریران مدیری  
عزت بکک منع محاکمه سی حقیقده مستنطق طرفندن  
ویریلان قرار نامه ایله مدعی عمومی معاوانک ادما  
نامه سی بیننده اولان اختلافک حلی ایچون معاون  
مومی الیهک اعتراضنامه سی ایله برابر ایلبابده  
اولان اوراق لیدی التدقیق هر تقدیر استینافی مدعی  
عمومیلکنندن قرار نامه مذکورک تصدیق طلب  
ایدلش ایسه ده مرقوم عمرک عزت بکک معارفه سی

اولدیغی و دائماً یانسه کیدوب کلکده بولندیغی  
اکلا سلسنه و بر شخصک شکست ناموسی مؤدی  
بوکی بر حالی نفسنه افتزاده بولمسی عقلاً مستبعد  
کورلمسنه نظراً مومی الیه عزت بکک دعوانک  
تحریک و تشویقندن ایلی کلدیکی حقیقده کی افاده سی  
واهی اولوب مرقومه حرف اندازلق والیه  
صارقندیلق ایلدیکی مرقومک وقوع فریادی  
اوزرینه تجمع ایدن اهالی به قیوی اچامسی  
ومرقومک ادعای و جهله بالطوسنک بیرتق  
کورلمسی و بوغازنده ال ایله طیرمه له مه حالری  
کورلدیکی راپورته محرر بولمسی دلائل  
واماره سیله ثابت اولغله مستنطق قرار نامه سنک  
فسخیه قانون جزانک ایکوز ایکنجی ماده سی  
ذیلی حکمنجه عزت بکک جبل برکت سنجاغی  
بدایت محکمه سنده لزوم حاکمه سنه متفقاً قرار  
ویریلرک اوراق اعاده قلندیغی محرر بولنش  
وسالف البیان ادما نامه مفادی مضبطه ده صورت  
ادعایه اصباب ردیه بیان اولتمسزین بعض  
اماره سردیله مدیر مومی الیهک لزوم محاکمه سی  
کوسترلش و بوده موافق حقانیت کوریله ماش  
اولدیغنه دائر اولوب مأموریت مشار الیهانک  
تبلیغنامه سنده دخی اعتراض مذکور تقدیره  
متعلق مواددن بولمغله فسخی موجب کوریله ماش  
اولدیغندن بختله استدعای مذکورک ردی طلب  
اولنش اولسی اوزرینه محکمه تمیز جزا دائره سی  
اسباب آتیه به مینی فی ۲۳ شعبان سنه ۳۰۴

وفی ۴ مایس سنه ۳۰۳ تاریخ و ۱۳۲ نومرولی  
قرار یله تمیز استدعاسی رد ایتشدر  
ایجابی لیدی التامل مضبطه تمیز بهانک نتیجه  
مندرجاتی جنحه درجه سنده لزوم محاکمه به دائر  
اولسنه و بویابده کی محاکمه بی اجرا ایده جک  
اولان محکمه جه هیئت اتهامیه نك قرار سالف  
البیانته امثالہ مجبوریت اولیوب عند الحاکمه  
کوریله جک صورت اوزرینه فعاک ثبوت ونوع  
قانونی حقیقده اعطای رأی و حکمه کی مختاریت  
درکار بولمسنه نظراً قرار مذکور اصول محاکمات  
جزایه قانونک اوچوز یکرمی ایکنجی ماده سنده  
تصریح ایدیلان صوک درجه ده و صورت  
قطعیه ده ویرلش اعلاماتدن معدود اولیوب  
بناءً علیه تمیزه صالح کوریله مدیکندن ذکر اولنان  
تمیز استدعاسنک بوجهندن طولایی ردینه و اوراق  
مرقومه نك محله اعاده سنه بالاتفاق قرار ویرلدی



( محکمه تمیز جزا دائره سی )

بر جنایت حقیقده بر محکمه دن صدور ایدن اعلام  
محکمه تمیزجه نقضی و ابطال ایلدیکجه ینه اول  
جنایت حقیقده دیکر بر محکمه حکم ویره مز کیفیت  
هیئت اتهامیه دن کچمکسزین بر محکمه نك

جنایت حقننده حکم اعطا ائلسی اعلامک نقضنی موجب اولور

اعلام ایله مصارف محاکمه نك دخی تحصیل اولمسنه حکم اولندیغنی بیانندن عبارت بولنش وتبلیغنامه ده دخی خصوص مزبور قدام زور بدایت محکمه سنده پارویه تحت حکمه اندیغنی اوراق میاننده بولنان فی ۲۳ تشریز اول سنه ۹۶ تاریخ و ۶۰ نومروی اعلامدن مستبان اولوب بو کبی اعلاماتک مرجع تمیزی اولان محکمه تمیز جزا دائره سنه ارسالی و محکمه مذکوره طرفندن صدور ایده جک قراره کرره توفیق معامله ایلمسی ایجاب قانون اولدیغنی حالده مذکور اعلام لاجل التمیز بو طرفه کوندر ایوب حلب استیناف محکمه سنجه و هیئت اتهامیه جه رؤیت مصلحت ایلمسی بالوجوه منایر قانون ایبوکنه و مزبور بدایت اعلامنه کانجه اصول محاکمات جزاییه قانون موقتک باب نایسنک فصل اولیله فصل رابع وخامسنده مندرج اوان معاملات واحکام قانونیه اجرا اولنماش اولدیغنه مبنی قانون مزبورک ۳۱۴ نجی ماده سی موجب اعلامین مذکورینک نقضی و مضبطه نك دخی نسحنی طلب اولنش اولغله محکمه تمیز جزا دائره سی اسباب آتیه به مبنی بر طرفندن اتهام مضبطه سنک فسخنه و دیگر طرفندن اعلامک نقضنه قرار و بر مشدر اوراق سائر دخی قرائتله اجرای تدقیقت تمیز به به مبادرت اولندوقده واقعا تبلیغنامه ده کوستر لدیکی

حلب ولایتی استیناف محکمه سی جزا دائره سنک فی ۱۳ رمضان سنه ۹۹ وفی ۱۸ مایس سنه ۹۸ تاریخلی و ۱۳ نومروی اعلامیه اوراق متفرعه سی ولایت مشار الیهامدعی عمومیلکنندن با تحریرات ارسال و باش مدعی عمومیلک مأموریت علیه سنندن دخی فی ۲۳ محرم سنه ۳۰۱ وفی ۱۲ تشرین ثانی سنه ۹۹ تاریخلی و ۶۳۰ نومروی تبلیغنامه ایله محکمه تمیز جزا دائره سنه اعطا قلمش و مذکور اعلام مالی زور سنجاغنده واقع سفره قریه سی مختاری چراغ بن سوده نك جرح اولمسنندن طولایی جنایتله اتهام اولنان قریه مزبورلی منصور الخلف نام شخصک اجرای محاکمه علیه سنه لدی الابتدار طقسان بدی سنه سی ذی القعدة سنک بدنجی کونی مجروح ایله بینلرنده متحدت منازعه ده مرقوم مذکور الخلف قتل قصدیه قلمچی تشهیر ایدرک مختار چراغک چکه سنی جرحه جرئت ایلدیکی زور سنجاغنی بدایت محکمه سنده جریان ایدن محاکمه اثنا سنده سبق ایدن اقرارینی مؤل افاده سیله تصدیق ایتسی دلالتیه تبین ایتش اولدیغندن مجرمیتنه و قانون جزانک یوزسکسا نجی ماده سنه توفیقاً و ابتدای توقیفندن اعتباراً اوج سنه مدله کورکه قونلسنه و خرج

وجهله خصوص مذکوری مقدا زور سنجاغنی بدایت محکمه سی رؤیت و حکم ایتش اولدیغنه و کرچه محلی مدعی عمومسی بو حکمک کیفیت هیئت اتهامیه دن یکمکسزین لحوقندن بحثله وقوع طلبی اوزرینه هیئت اتهامیه ایشه باقش و اورانک قراریه حلب استیناف محکمه سی دخی اجرای محاکمه و اعطای حکم ایتش ایسه ده قانوناً مواد جناییه حقننده بر محکمه دن صادر اولان اعلامک نقض و ابطالی انجق محکمه تمیزه هاند اولسنه کوره ذکر اولنان زور سنجاغنی بدایت محکمه سی اعلامک دخی هر حالده محکمه تمیزه ارسالی لازمه دن ایکن مدعی عمومی مومی الیهک سالف الذکر هیئت اتهامیه نزدنده طلب واقعی قانوناً یولسز وانک اوزرینه جریان ایدن معاملاتک کافه سی حکمسنز ایدوکنه و زور سنجاغنی بدایت محکمه سی اعلامنه کانجه محکمه مذکوره جه بالاده کوستر لدیکی اوزره ایشه هیئت اتهامیه دن یکمکسزین باقلمش اولدیغنی مثلاًو تبلیغنامه ده بیان اولندیغنی وجهله اصول محاکمات جزاییه قانونک قواعد کلیه سنه دخی کاملاً رعایت اولنماش ایدوکی اکلاشلدیغنه مبنی قانون مذکورک ۳۱۴ نجی ماده سی منطوقجه ذکر اولنان هیئت اتهامیه مضبطه سی و اعلامک فسخ و نقضنه واحکام قانونیه دائره سنده رؤیت کیفیت اولنق اوزره اوراق مرقومه نك محله اماده سنه و خرج تعرفه سنک ماده سنک قرقنجی حکمسنجه نقض اعلامی

خرجی اولان ایکیموز غروشک اخذینسه قرار ویرلدی

- ( بیک اوچیوز اوج سنه سی شواننک التنبی )
- ( پنجشنبه کونی شهزاده باشنده واقع ابراهیم )
- ( پاشا مدرسه سنده مقتولاً جسدرلی بولنان )
- ( حضور همایون درس مخاطبلرندن و کوتاهیه )
- ( سنجاغنه تابع تاج آمد قضاسی اهلایسنندن )
- ( خواجه حاجی علی و معموره العزیز ولایتی )
- ( اهلایسنندن بواب دیگر علی افندیلرک کیفیت )
- ( جرح وقتلرندن طولایی مظنون علیهم اولوب )
- ( در دست ایله تحت توقیف و استنطاقه )
- ( النانلردن برنجی سواری الاینک مکتب )
- ( حریده مستخدم در دنجی بلوکنک خرمنداری )
- ( یوزغاد سنجاغنک صور خون قضاسنه تابع )
- ( ارککلی قریه لی اوتوزباشنده یانق اوغلی عمر بن )
- ( محمدوارطغرل الاینک الای چاوشلرندن کنغری )
- ( سنجاغنی داخلنده چرکس قضاسنک جان کیسه )
- ( قریه سی اهلایسنندن اوتوزباشنده قاضی اوغلی محمد چاوش بن حسن ورژی قو جیلرندن و ذکر اولنان یوزغاد سنجاغنک صور خون قضاسنک یوقاری محله سی اهالیسنندن یکر می سکز یا شننده )
- ( قزل اوغلی احمد چاوش بن اسماعیل )
- ( ایله کنغری سنجاغنی داخلنده چرکس قضاسنه )
- ( تابع میلان ناحیه سنده واقع الیوم افاج قریه لی )
- ( اولوب سلیمانیه ده دار الحدیث مدرسه سنده )
- ( اقامت و مکتب ملکه طیبیه مداومت ایدن )
- ( یکر می سکز یا شننده قره علی بن رجبک )
- ( و اشخاص مرقومه بی کتم و اخفا ایتدیکی )

( ادعایه مظنون علیه اولان قسطنونوی ولایتی )  
 ( داخلنده آراج قضاسنک بویالی ناحیه سنه )  
 ( مضاف مخرج قریه لی اولوب سلیمانیه ده دوکه جی )  
 ( اولی مدرسه سنده اقامت و مذکور مکتب )  
 ( طبیه به مداومت ایدن یکریمی بش یاشنده )  
 ( نعمان بن علیک محاکمه علیه لری ضبط نامه سی )  
 ( صورتیدر )

بیک اوچیوز سنه سی شوالنک التجی پنجشنبه  
 کونی شهزاده باشنده واقع ابراهیم پاشا مدرسه سنده  
 مقتولاً جسدری بولنان حضور همایون درس  
 مخاطبلرندن و کوتاهیبه سنجاغنه تابع تاج آمد  
 قضاسی اهلایسنندن خواجه حاجی علی و معموره  
 العزیز ولایتی اهلایسنندن بواب دیگر علی افندیلرک  
 کیفیت جرح وقتلارندن طولانی مظنون علیهم  
 اولوب در دست ایله تحت توقیف واستنطاقه  
 النانلردن برنجی سواری الاینک مکتب حربیه ده  
 مستخدم دردنجی بلوکنک خرمنداری یوزغاد  
 سنجاغنک صور خون قضاسننه تابع ارککلکی  
 قریه لی اوتوز یاشنده یانق اوغلی عمر بن محمد  
 وارطغرل الاینک الای چاوشلرندن کنگری سنجاغی  
 داخلنده چرکس قضاسنک جان کیسه قریه سی  
 اهلایسنندن اوتوز یاشنده قاضی اوغلی محمد چاوش  
 بن حسن ورژی قوجیلرندن و ذکراولنان یوزغاد  
 سنجاغنک صورغون قضاسنک یوقاری محله سی  
 اهلایسنندن یکریمی سکر یاشنده قزل اوغلی احمد

چاوش بن اسماعیل ایله کنگری سنجاغی داخلنده  
 چرکس قضاسننه تابع میلان ناحیه سنده واقع  
 الیوم اغاج قریه لی اولوب سلیمانیه ده دارالحدیث  
 مدرسه سنده اقامت و مکتب ملکیه طبیه به مداومت  
 ایدن یکریمی سکر یاشنده قره علی بن رجبک  
 جنایتله اتهاملرینه و اشخاص مرقومه بی کتم  
 و اخقا ایتدیکی ادعایه مظنون علیه اولان  
 قسطنونوی ولایتی داخلنده آراج قضاسنک بویالی  
 ناحیه سنه مضاف مخرج قریه لی اولوب سلیمانیه ده  
 دوکه جی اولی مدرسه سنده اقامت و مذکور  
 مکتب طبیه به مداومت ایدن یکریمی بش یاشنده  
 نعمان بن علیک دخی جنحه ایله بالاتهام مرقومون  
 ایله برلکده محکمه جنایتده لزوم محاکمه سنه دایر  
 هیئت اتهامیه دن تنظیم واعطا قلنان فی ۱۴ مادت  
 سنه ۳۰۳ تاریخی و ۲۶ نومرولی مضبطه ایله  
 استیناف مدعی عمویلکنک فی ۱۶ مارت سنه  
 ۳۰۳ تاریخی و ۳۲۵ نومرولی اتهامننامه سی  
 اوراق متفرعه سیله فی ۲۳ مارت سنه ۳۰۳  
 تاریخنده محکمه جنایتده تودیع اولمغله بالمطالعده  
 اصول محاکمات جزاییه قانون موقتنک ایکیوز  
 قرق سکرنجی و ایکیوز قرق طقوزنجی ماده لرینه  
 توفیقاً اشخاص مرقومه دن جنایتله تهم اولنلر  
 شهر مذکورک یکریمی دردنجی کونی موقوف  
 اولدقلری عسکری و ضبطیه توفیقجانه لرندن جلب  
 ایله ضابطلری یوز باشی اسماعیل افندی حاضر

اولدیغی حالده استجواب و مدافعله لرنده معاونت  
 ایتک اوزره منتخب وکیللری اولوب اولدیغی  
 و ادعای مسوخیه قیام ایدوب ایتیه جکری سؤال  
 اولندقدده منتخب وکیللری اولدیغی و بولنلردن  
 ورژی قوجلیسی احمد چاوش دخی ادعای مفسوخیه  
 قیام ایده جکنی سو یلیوب تاریخ مذکور ایله  
 مورخ برقطعه استدعا نامه تقدیم ایتش اولدیغندن  
 قیدییه سی بالاخذ مرقوموندن یانق اوغلی خرمندار  
 عمر بن محمد ایله قضی اوغلی محمد چاوش بن حسنه  
 محکمه نزدنده بولنان وکیللردن رجائی و قره علی به  
 اسماعیل ورژی قوجلیسی احمد چاوشه دخی محمد  
 علی افندیلر وکیل تعیین اولنددیغی حالده مرقوم  
 احمد چاوشک مفسوخیت ادعاسی مرجعجه حل  
 اولنمینجه وکیل تعیین و قبول ایده میه جکنی و قره  
 علیک دخی کندوسنه وکیل تعیین اولنان اسماعیل  
 افندی بی عدم قبول ایله محمد علی افندی بی  
 ایستدیکنی سو یلرله کیفیت اولبایده تنظیم اولنان  
 ضبط ورقه سی زیرینه شرح و بریلرک کندولرینه  
 امضا و اوراق مذکور محکمه تمیزه تقدیم اولنق  
 اوزره استیناف مدعی عمویلکنک اعاده و ارسال  
 اولنمشیدی ادعای مذکورک ردینه دایر محکمه  
 تمیز جزا دایره سنندن صادر اولان ۳۱ مارت سنه  
 ۳۰۳ تاریخی و ۸۱ نومرولی اعلام اوراق مرقومه  
 ایله محکمه به تودیع اولنمغدنناشی مرقوم احمد  
 چاوش سنه مذکور ندرسنک اون دردنجی  
 صالی کونی توفیقخانه دن جلب ایله ادعای واقعتک

رد ایدلدیدیکی کندوسنه بالتفهیم مدافعله سنده  
 معاونت ایتک اوزره وکیل انتخاب و تعیین  
 ایتسی تکلیف اولندقدده منتخب وکیل اولدیغی  
 بیان ایتسیله محکمه نزدنده بولنان وکیللردن  
 مانیاس زاده رفیق بک جانب محکمه دن مرقومه  
 وکیل تعیین اولنهرق تذیل ایدیلان ضبط سابق  
 مرقوم احمد چاوشه پارمق باصدد بریلهرق  
 تصدیق ایدلدکدن و دیگر متهم خرمندار عمر  
 و محمد چاوش ایله قره علیک ادعای مفسوخیت  
 ایچون معین اولان مدت قانونیه لرینک منقضیه  
 اولدیغی اکلاشلدقدن صکره جله سنک اجرای  
 محاکمه سی شهر مذکورک یکریمی ایکنجی صالی کوننه  
 قرار قرارلشدیرلدی

( مابعدی وار )

# اعلان

متوفی جلالیان دبوس اغانک <sup>۲۰۲</sup>/<sub>۱۹۸</sub> نومرولی اعلام  
 موجینجه تلغراف و پوسته نظارت علیه سنه دینی

اولان مبالغ معلومه نك تسويه سي ضمنده  
يوكدرده اسفنادي زوقاغنده واقع اون درت  
نومرو ايله مرقم اولوب اولادري اونك و اوسب  
افنديلر ايله فيلو و سوريك و آنيك و قابايانه و تفوق  
خانلره انتقالي لازم كلور ايسده بونلردن اوسب  
افندي حكمدن خارج براغليش اولديغندن ديكرلري  
دخي ايفساي دين ايتدكارندن و مذكور خانه نك  
دخي فروختي محكوم بولنديغندن مذكور خانه نك  
يدي حصه اعتباريله موحي اليه اوسب افنديك  
حصه سندن ماعدا التي حصه شايعه سنك تاريخ  
اعلانن اعتباراً اون بش كون صكره بالمزايدة  
فروخت ايتديريله چكي بك اوغلي بدايت محكمه سي  
اجرا ماموريتي جانبندن اعلان اولنور

في ۷ كانون ثاني سنه ۳۰۲

يوك چكجه قضا سنده چوپليجه قريه لي يماندي  
ولد بورغا كينك قضاء مزبور بيك اوچيوز ايكي  
سنه سنه محسوباً التزام اولنان اعشارينه كالة  
بورجي اولان درتنيك طقوز يوز يكرمي غروشه  
فائض و مصارف محاكه نك استيفاسي چون مرقومك  
متصرف اولديغي قريه مزبورده اورته زقاقده

بر باب مغازه ايله دكان و اوتوز سكر نومروده  
باغلي بولنده ديكر بر باب مغازه و التمش طقوز نومروده  
اذا چشمه موقعنده يكرمي دونم باغ وينه اوراده  
التمش بش نومروده ديكر التي دونم باغ والتي  
نومروده قره اغاج موقعنده التي دونم ترلا  
وينه اوراده ايكي نومروده درت دونم ترلاردن  
حصه شايعلري محجوزاً فروخت ايله جكندن  
ظهور ايله جك طالبلك بيوك چكجه اجرا  
مامورلغنه مراجعت ايتلري اعلان اولنور

في ۲۰ حزيران سنه ۲۰۳

روسيه دولتي تبعه سندن مغرديج مظلوميان ايله  
شريكى تبعه دولت عليه دن علكسان نشر يانك  
ديون محكوملر ينك تسويه سي چون بو كدرده  
يوكدره چاري جوارنده و محل مذكورده  
جامع شريف عرصه سنده محجوز و موجود بولنان  
عنى التخمين جديد بشيك درتيوز التمش و عتيق  
درتنيك ايكيوز چكي حطب ايله اوچيك سكر يوز  
عدد ديرك و بشيك عدد مقداري ماله طولايي  
تعبير اولنور كراسته دن عتيق بيك چي حطب دن  
ماعداسي اشبو حزينانك يكرمي سكرنجي بازار

و تموزك اوچنجي جمعه و بشنجي بازار كونلري  
ساعت بشدن اونقدر محل مذكورده بالمزايدة  
صايله جغندن اشترايه طالب اولانلك ودهاز ياده  
معلومات المقي استيانلك ايام و اوقات مزبورده  
محل مذكورده حاضر بولنلري محكمه تجارت  
اجرا دائره سندن اعلا اولنور

في ۲۳ حزيران سنه ۳۰۳

تجارت خانه وزدار سابق فيضي افنديك  
در سعادت بدايت محكمه سي ايكنجى حقوق  
دائره سندن و يريلان بر قطعه اعلام موجبنجه  
ماليه خزينه جليله سنه ديني اولان مبالغ تا مين  
استيفاسي چون افندي مومي اليهك عهده سنده  
اولوب تحت حجزه الديريلان قوم قيوده قزقاني  
سعدى محله سنده بطريق خانه سوقاغنده كائن  
تخميناً و تربيعاً يتمش سكر ارشون التي پرمق عتيق  
عرصه اوزرينه ميني فوقاني و تحتاني درت او طه  
و مشتتات ساثره پي محتوي اون نومرو لو برباب خانه

تمامي بدلينه تصفيه ديون تحويلاتي قبول اولنق  
اوزره بالمزايدة المي بش بيك غروشه طالبي  
عهده سنده تقرر ايتكله بوندن زياده به طالب  
اولانلك ودهاز ياده معلومات المقي استيانلك  
تاريخ اعلانن اعتباراً اوتوز بر كون طرفنده  
در سعادت مركز اجرا دائره سنه مراجعت ايتلري  
اعلان اولنور

في ۲۴ حزيران سنه ۳۰۳

صرافانن متوفي بئكانلي حچادورك در سعادت  
بدايت محكمه سي ايكنجى حقوق دائره سندن  
ويريلان يدي قطعه اعلامات موجبنجه ماليه  
خزينه جليله سنه محكوم به ديني اولان مبالغ  
معلومه نك تسويه سي چون متوفانك ورثه سنه  
كوندريلان اخبار نامه اوزرينه بر صورت تسويه  
كوسه ترلماش و متوفانك عهده سنده بولنان بك  
اوغلنده اذا جامع شريف محله سنده مجار جاده سنده  
واقع تربيعاً ايكيوز زراع مقداري عرصه سنك

فروختیله مطلوب خزینه نك استيفاسی خزینه  
 جلیله و کیلی طرفندن استمداء قلمش اولدیغندن  
 مذکور عرصه تمامی بدلنه تصفیة دیون تحویلاتی  
 قبول اولتیق اوزره مزایده چیقاراشیدی  
 مذکور عرصه اون التی بیک ایکیوز غرو شده طالبی  
 عهده سنده تقرر ایتدیکی جهتله بوندن زیاده به  
 طالب اولانلرک ودها زیاده معلومات المق استیانلرک  
 تاریخ اعلان اعتباراً اوتوز بر کونه قدر  
 در سعادت مرکز اجرا داتره سنه مراجعت ایللری  
 اعلان اولنور

فی ۲۴ حزیران سنه ۳۰۳

قیه ۷۶ انکلیر پرنجی قیه ۶۲ غاز صندن عدد ۲  
 صوده قیه ۹۴ اوده سه اونى قیه ۶۸ اریچ طوبره  
 اون قهوه قیه ۴۰ قولا پاکت عدد ۷ موم صندوق  
 ۳ موم پاکت عدد ۱۳ کهنه اینده عدد ۱ کیرلبه  
 عدد ۱ کهنه باقر منقال عدد ۱ زیتون اغی قیه  
 ۵۴ باقر سنی مستعمل عدد ۱ پالانغه قنطر عدد ۱  
 اوچ یوز اوچ سنه سی حزرانک یکر می مقوزنجی  
 بازار ابرتسی کونی ساعت اوچ نرارلرنده  
 بشکطاشده قره غونخانه قارشو سنده جامع قیوسی  
 اوکنده بالمزایده فروخت اولنه جفندن ایستک  
 ایدنلرک تعیین اولنان یوم و ساعتده محل مذکورده  
 موجود بولنملری بک اوغلی بدایت محکمه سی اجرا  
 مأموریتی جانبندن اعلان اولنور

فی ۲۴ حزیران سنه ۳۰۳

بقال اغنادک  $\frac{۲۰۴}{۱۸۹}$  و  $\frac{۲۰۴}{۷۹}$  نومرورلیله مقید اولان ایکی  
 قطعه اعلام موجبجه سیمون وانکلیریا و طومانییا  
 وقتینه ولوفساندره ورخاری یه دینی اولان معلوم  
 معلوم المقدار مبالغک استیفاسی ضمننده تحت جزه  
 النان مدلولو صابونی قیه ۱۹ ساده یاغ معداره فی ۵۳  
 شکر قیه ۶۵ چالی فاصه ولیه سی قیه ۸۸ عادی  
 مصر پرنجی قیه ۷۸ ریزون پرنجی قیه ۶۸ نخود